

numquam ibi liquefunt, nomen habet, Siue enim nivem significat.

Prope Kiucin est Kinma mons, à lapidibus versicoloribus equum referentibus dictus.

Flumina.

Lançang fluvius ad occidentalem partem civitatis Lan fluit, ex regno Tufan emanat, unde & Kinxa fluvius, qui & Li dicitur; hic in ortum, Lançang vero austrum versus profuens, magna aquarum mole auctus toto superata provincia, atque ipso regno Tungking, in mare aquas evomit simul cum Xale fluvio, ut jam ante dixi.

Ad urbis Notapeliotem Kinxa fluvius in magnam latitudinem diffunditur, lacumque efficit triginta stadiorum, tanta ejus dicitur profunditas, ut hactenus nondum satis sit explorata.

Septima Urbs

I U E N K I A N G.

O Lim hæc terra ad Sinarum pertinet regionem, sub Tanga vero ad Infeng, sub Sunga familia à Nungchicao occupata fuit, ac à Sinico Imperio avulsa; Juena familia restituit, & Juenkian dixit; quia vero Tungking & Laos regno vicina est, munimentum habet ad regionis custodiam, Lope dictum. Abundat bysso, ebano, palmam, ac Arecam profert, quam incolæ cum folio Betel masticant, ut Indi reliqui, Makinnang patria voce vocant. Ibi dem etiam frequentes pavones sunt.

Montes.

Leukia mons ad urbis Barrapeliotem est; Yotai mons ad ortum maximus, qui viginti quinque numerat vertices, adeo amœnus ac pulcher est, ut pretiosæ turris nomen obtinuerit.

Octava Urbs

I V N G C H A N G.

Potentissimi Gailao regni caput olim fuit hæc urbs, & Puguei dicta est. hujus urbis initium Hiaovus Hanæ familiæ bellicosissimus Imperator posuit; quia vero Lançang flumini circumjacentem regionem regebat, Lançang nomen adepta est, mox quod defecisset à Sinis & Jungchang regno subdita esset, Jungchang dicta est. Incolas hujus regionis ita describit Sinicus auctor: varios, inquit, exterorum habent mores, alii aureis lamellis dentes te-

gunt, istique Kinchi (hoc est aureorum dentium) dicuntur; alii dentes nigerrimos glutine aliove colore illitos amant; alii faciem variis figuris pingunt (acu nimirum perforando, appositove colore nigro, ut multi alii ex Indis solent.) equitant sine ephippio, solo tapete substrato; auro, cera, melle, marmore, succino, bysso ac sericis abundant. Est Jungchang urbs magna ac frequens, olim magni Kinchi regni fuit caput, modo Sinis paret; regit autem civitates quatuor, & tria munimenta contra finitimas nationes exstructa: 1 Jungchang, 2 Laye o, 3 Lukiang, 4 Jungping. Munimenta, 1 Funki, 2 Xitien, 3 Lukiang.

Hanc urbem, & circumjacentem regionem omnino Marci Pauli Veneti Unchiang esse mihi persuadeo: inducunt ad hoc nominis affinitas, gentis mores, situsque regionis: namque Mien regno adjacet, de quo infra, nec à Bengala longe abest; abundat etiam elephantis, quibus contra Tartaros pugnarunt, & ab ipsis feliciter devicti sunt, quæ etiam res hic fuisse Unchiang probat: in Borealibus enim partibus nulli sunt elephantis, & per totam Sinam numquam ad prælia adhibiti sunt, præterquam in hac sola Junnan provincia, & Kiaochi seu Tungking regno. quod autem M. Paulus Vn pro Jun scribat, minime mirum: nullus enim character Sinicus est, qui Vn sonet, unde à Sinis Jun pro Vn adhibitum. confirmat hanc opinionem, quod sæpius dixi, Tartaros nimirum Juena familiæ ex Australibus partibus Sinas ingressos, ac inde ad totum occupandum Imperium gradum fecisse, debellata prius omni illa regione, quæ cis Gangem est, multisque etiam, quæ ultra eundem, pro quibus ad Venetum curiosum lectorem mitto.

Gailo mons, sive Ganlo ad urbis orientalem partem est, in eo puteus profundissimus, ex quo anni fertilis futuri, aut sterilis augurium desumunt incolæ, idque verno tempore, notato illius aquæ adscensu atque altitudine, & descensu seu demissione: in eodem lapis est, qui nasi humani figuram repræsentat, ex naribus fontes bini profluunt, calidus eorum unus est, alter frigidus. Caoli mons prope Layue magnus atque altus.

Jungping vicinum habet montem Ponan horridum omnino, ac difficilem. Circa Xitien est Mocang mons, cujus vertex quidam coelum ipsum præ altitudine videtur attingere.

Funki